


जैन धर्मस त् जैन तीर्थकरन मुतलख कैह

(कश्मीरी)

Jain Dharmas T Jain Tiranthakar Mutlakh Ke
(Kashmiri)



णामो अरिहंताणं

णमो सिद्धाणं

णमो आयरियाणं

णमो उवज्ञायाणं


णमो लोए सब्बसाहुणं

एसो पंच णमुकक्षरा

सब्बा पाव घणासणो

मंगलाणं च सब्बेरिं

पठणं हवङ्ग मंगलं



लेखिका :
मोहिनी कौल (जमू)

म्यानि जान पहचान

बो छस अख कअशिर वृद्ध जनान । अअसि छि 1954 मंज जोम तबदील गअछिघ आमुति । बो ति अअसस जेमसि मंजय स्कूल टीचर । असि अअस जोयिट फैमिली । कशीरि अअसि रैणावारी जोगी लंकर रोजान त जेमि अअसि दहन वर्यण जैन बाजारस मंज रोजान । अअसि पननि रीति रिवाज अपनावान । जैन धर्मस मुतलख अअसि न केहं ति जानान ।

1974 मंज भीलि म्य गुरु देव आचार्य श्री विमल मुनि जी महाराज हंग त मंग । बो अअसस जैन स्कूल तरफ किनि पकान त म्य आयि गुरु महाराज संज मधुर आवाज कनन त बो रुकेघस । म्य वुछ स्कूल किस बड बअडिस आंगनस मंज बेशुमार लूख महाराजजियुन व्याख्यान बोजान । म्य खूब वोति बोजहा का फलसफ छि महाराज जी बोजनावान लुकत्ता । त्य अअस गोउ प्यठय साधन संतन त गोरन हंज नफरत । म्य ओस ल भासात यिम साध संत छि लूकन वथ रावरावान त्य पनुन मतलब कड़ान । मगर बो यलि चायस स्कूल आंगनस मंज त बीठुस ब्रूति बोजनि । म्य बूजन गुरु महाराज इधर उधर के बनान या त्युथ केहं वनान यिन संभवय आसि । यिम अअसि तमि दोह अपरिग्रहस प्यठ बालान । म्य मास्यव यिम छि जिंदगी हंज सच्चाई वनान । यिम छिन् वनान भगवानस चउअविव पोज या हवन कर्यव या बेयि काह अनुष्ठान कर्यत । यिम अअसि फरमावान अनुष्ठि दृष्टि बदलिव सुष्टि बदलि पानय । आत्म दर्शन कअरिव । यि पानस छुव खोश करान ती दियिव बेयिस ति । पानुन यज्ज्ञ छुव खोश करान तु बेयिस मो कअरिव बेझज्ज्ती सुय छु बोड पापबेयि मो कर्यव छूत छात । सअरिय छि भगवानन बनअविमित तु असि का हक छु यिमन छुह द्युन । खैर म्य आयि बराबरी तिहिंदि उपदेश सत्य त बो लअजिस दोहय गछानि । म्यानि रिश्तदार म्यानि बत्ति ति हयतिन गंछनि । सारिनुय आव त्युहुदं उपदेश पसंद । पत करम्यतिमन विनती कि म्य दियिव गुरु मत्र तिम अआसि पैदल पअकि पअकि आकि शंहर प्यठ बेहिस शहरसा मंज गछान । बो ति अअसस बेयन प्रेमियन स्रत्य दर्शुन करानि गछान । तिहंज आवाज ति अअस दिव्य ध्वनि वाणे तिम यलि भजन अअखि ग्यवान व्याख्यान ब्रोठं त बोजन वअल्य अअसि मरत गछान । तिहिंजि आवाजिय ओस बदलय असर, युस बोजान ओस सु ओस त्युहुदय बनान ।

समय गुजरिथ बडयव म्य त म्यअनिस परिवारस त म्यान्यन अअशनावन कअफी सुहुंद भाव । तिहिंजि दयायि सत्य गव म्यान्यन मुशकिल न ति हल । अमि किनि बडयव ज्याद खात ज्याद भाव । गुरु महाराजन वेजु म्य पंत कि च कर खअनिख आश्रमस मंज परनचि लेखनच सेवा । तति आस जालन्धर प्यठ त्रे अनहरणि कोरि सेवायि खअतर आमच । तिम बनेयि वोज साधीयि ति । म्य कअर क्षोन वर्यत प्रसस मंज कअम ।

श्री रविन्द्र जैन त श्री पुरुषोत्तम जैन छि जैन साहित्य पंजाबी भाषायि मंज लीखित आम जनतायि मंज जैन धर्मुक प्रचार करान । यिम अअसिं अकसर गुरु महाराज निश दर्शन करनि यिवान धिमन गअयि म्य सत्य ति जान पहचान । म्यति कोरुख प्रसचि कअम करनस बेयि लेखनस मदद ।

वोउ छु यिमव भगवान महावीर सुदं जीवन चरित्र ग्रंथ दोयिमि लटि हिन्दी भाषायि मंज छपोवमुत । यिम कअर म्य प्यठ ति यि मेहरबानी कि बो लेखु केहं खास-खास कथु अमि ग्रंथि मंज कअशिरि पअुठि । म्य याकेन यिमन यि वनिथ कि कअर्शियव त्रअव हालात व स्रत्य मजबूर गअछिथ कशीर पत मगर कअशिरि जबान त्रअवख गोडनीय । कअशर्यन छु कअशुर बोलन कड मंदछ यिवान । बाकय सार्यय जअच छि पननि जबान शान सान बोलान । अमि किनि छुनु पतहय लगान कि कअशुर किथ कअनि लेखव ।

खैर हिन्दी भाषाय हंजुन मात्रायन ओर योर कअरिथ त कअशिरि भजन किताब न बुहिथ लीखि म्य केहं पोयिट जैन तीर्थकरन तु जैन धर्मस मुतलख । म्य छन खबर म्यअनि कअशिरि बेनि मआदि तु पुत्र पुत्री हयकन यि परिथ तु समझिय । म्य कअर पननि किनि कुशिश लेखनच । बाकय जानान छु भगवान तु बेयिं कअशुर परन वअलि म्यअनि बेनि मआदि तु पुत्र पुत्रीयि ।

अगर यि म्योन लेखुन म्यान्यन बेन्यन भायन तोग परुन तु पसंद खोतुक तेलि जस बोयि कअशुर लेख गुरु महाराज सुंजि गोडनचि वहरवारि प्यठ तिहद्यन चरण कमलम्बसमर्पित करान ।

धन्यवाद

चरण सेविका : मोहनी कौल

जैन धर्मस त जैन तीर्थकरन मुतलख कैह जानकारी

भारतवर्ष छु सु पवित्र दीश यति चुन धर्मन छु पैदू सपदुनुक मौक
म्थूलमत ।

1. वैदिक धर्म
2. बौद्ध धर्म
3. जैन धर्म
4. सिक्ख धर्म

अरियनन यिनु ब्रौठ अअस यति अख संस्कृति पलेमुच यमिक
संस्थापक अअसि आत्मा, श्रमण, अहंत, अह, परमहंस । युहुंद वर्णन छु
स्यठाह प्रअनिस ग्रथस ऋग्वदस मंज्ञामुत । यिम लूक अअसि तपस्यायि
प्यठ पछ करान । जात-पात, छूत-छात, हवन, जानवरन, हुंज बलि दिक्षा
प्यठ अअसि बरखलाफी करौन । यिम अअसि नु वेदन मानान । यिमन
अअस पननि अख परम्परा युस दोयि कसमु अअस

1. श्रमण (महाव्रती)
2. उपासक श्रावक (अनुव्रती)

श्रमण अअसि आत्मा, परमात्मा, द्वोयुम जन्म, सृष्टि, स्वर्ग, नर्क तु
मोक्ष मानान । एतिहास कारवं छु यिमन नाव ध्रुवमत श्रमण संस्कृति ।
यिमन हुंद गोड़न्युक वत्हावक ओस गोड़न्युक तीर्थकर भगवान ऋषभ देव
। ऋषभदेव सुदं वर्णन छु भागवत पुराण त बेयि वारियाहन पुरानन मंज
आमुत ।

आर्यननं त श्रमण हुंद संघर्ष छु गंगा-यमुनायि हुंदिस किनारस
तानि सपद्योमुत । तमि पतु अपनअब आर्यव यिहुज्य संस्कृति, कय छु
तिमव भगवान ऋषभ देवे विष्णु तु शिव संदिस अवतारस मंज शअमिल
कअरिमिता ।

श्रमण संस्कृति हुंदि छि प्रअनि पंअच रूप मअनिमुति (1) जैन
निग्रंथ (2) शाक्य (बौद्ध) (3) आजीवक (नियतिवादी) (4) गेरुक (5) तापस
गोडनिक ज छि अज ति जैन त बौद्ध धर्म नाम स्रुत्य जानन इवान ।

बारुय त्रे छि वैदिक संस्कृति स्रुत्य मीलिमित्य ।

वैदिक धर्म जु अवतार वादस प्यठ पछ थवान मगर जैन धर्म छु आत्माहुय परमात्मा बननस प्यठ पछ धवान । जैन धर्म छुन् अवतार वादस मानान मगर धर्मस छु स्यठाह मानान । यिम छि इथकअनि बनान कि संसारस मज छुनु धर्म जाह खत्म सपदान । वक्ता वक्त छि प्रथकुनि जायि तीर्थकर जन्म हयवान रोजान तु पननि जायि पननि वक्तु उपदेश दिवान रोजान ।

जैन छि यि कथति मानान कि सृष्टि छे हमेशु रोजान वाजिनि, मगर उत्सर्पन प्यठ अपसर्पस कुल तु अबसर्प प्युठ उत्सर्प वसकुन फेरान रोजान । अबसर्प गोडनिच सभ्यता अअस स्यठाह स्यज तु साधु । तमि वक्त अअह्लानु कुटुम्बन हुंज केंह प्रथा रिवाज । तमिकिज अअसन कुनि कुसमच जिम्मवअरी न अअस काह व्यवस्थाहुय । जैन छि मानान कि तमि वक्त अअसि जिन्दगी हुंदि जरुरत कल्प कुलयम स्रुत्य वुर करान यि युग ओस कुदरत तु बेयि इन्सानी तत्त्वन हुंद युथमिलावट युगयुति न धर्म, साधना, पाप, पुण्य, ऊंच, नीच काह मतलब ओस थवान । जैन पुराण कारव छु अथ वक्तस भगु भूमि हुंद नाव थोवमुत ।

अवसर्पिणी काल चक्र यलि ब्रोठकुन हयोतन पकुच तु यिम प्राणि कथु हयचन मजाक भासनि । कल्प कुल्यन अअसि सअरो ओर योर खींचान तमि स्रुत्य ओस खून खरअबी गछनुक खतरु पअदु सपदान तवय हयोतुक रअछ कर्जुच व्यवस्था करुनि यानि “कुलकर” बनअविख । जैन परंपरायि मंज छि चोदाह कुलकर मानुन यिवान । प्रथ कंअसि कुलकरन कअर पनुनिस वक्तस मंज लूकन हंज ठीक व्यवस्था । पअतिम कुलकर ओस नाभि नावुक मनुष्य, यमि सुन्द ब्रोड न्येचुव नेह ओस ऋषभदेव जैन परंपरायि हुन्द ग्रोडन्युक तीर्थकर ।

वैदिक धर्म परम्परा छे नाभि कुलकर स मनुकिस नाव स्रुत्य मानान ।

तीर्थकर गोत्र छु कंअसि जीवस नामकर्म उदय मंज यिनु स्रुत्य बनान । युस श्रमणा तु श्रमणियन बेयि श्रावकन तु श्रविकियन यानि यिमन चोङ्ग हुंद छु धर्म तीर्थ बनावान । अमि धर्म तीर्थकर संस्थापक छि तीर्थकर

आसान । जैन धर्मस छुन्नु काहं बनावान वोल आसन यि छु अरिहंतन हुंद धर्म, जिनधर्म अरि छि वनान दुश्मनस या शत्रु, त हत्तं छि वनान मारनस अमिकिन छु अरिहंतुक मतलब येमि जन काम, क्रध, लूभ, मोह वगेरह शत्रु आसन खत्म कअरिमुति तअमिस छि अरिहंत वनान । जिन तअमिस वनान यमि पनुन मन तु मनुचि इच्छायि तु कामनायि आसन जेनिमच । युस बिल्कुल इछायव तु कामनाय न बगअर आसि शुद्धं शांत स्वभावस मंज रोजान । जिन कि नाम किनि प्यव अथ जैन धर्म नाव ।

वैदिक धर्म छु मानान कि भगवान छु संसारस मंज अवतार बअनिथ इवान मगर जैनधर्म छु मानान इसानय छु पनुन्यन शत्र न यानि काम क्रध वगैरह खत्म कअरिथ बिल्कुल शोध आत्मस्वरूप प्रोविथ भगवान बनानतु ।

बनावान छु तीर्थ साधन साहितयन तु श्रावकन त श्राविकायन हुया । तीर्थ साधन साहितयन तु श्राविकायन हुआ । तीर्थ छि वनान घाटस । यति नावु तेरान तु इवान छे । तीर्थकर छु सु तीर्थ घाट बनावान यति प्यठ यिम छि तारान ।

तीर्थकर अरिहंत और साधारण केवली

जैन धर्मुक खास मंत्र छु ओम नमो

अरिहंताण । यानि अरिहंतन छु नमस्कार ।

यथ अरिहंत शद्वस मंज छि तीर्थकर त केवली दोनवय इवान । तीर्थकरन तु अरिहंतन छे कैह फर्क आसान । तीर्थकरन हुंदिस जीवनस मंज छे कैह खास विशेषतायि आसान यिम जन तीर्थकरन तु अरिहंत केवलीयन छि थोड़ा बहुत फर्क थवान । यानि अला करान । आत्मज्ञानु किनि तु केवलीज्ञान किनि छि दीनवय बराबर आसान मगर तीर्थकरन हुंद काल विभाजन छु सिरिफ जम्बूदीप किस भरत क्षेत्र मंज रोजान । महाविदेह क्षेत्रस मंज छि वुह (20) विहरमान तीर्थकर परमात्मा हमेश रुजित आसान ति आसन ति आसल तितोत छिन सअरी हयकान वअतिथ हां यिम जन खास ज्ञानी तृ तपस्वी आसान छि तिम छि तपकि प्रभात सूत्य त्युहुंद दर्शन हयकान कअरिथ ।

जम्बूदीप किस भरत क्षेत्रस मंज छि वोरियाह कालु प्यठ तीर्थकर

जन्म हयवान । तीर्थकर छि क्षत्रय कूलस मंजु जन्म हयवान । तिम छिन दरिद्र ब्राह्मण या याचक कौलख मंजु जन्म हयवान । जयवाङ्मण्डु तिमन त्रेयि कुसमुल ज्ञान आसान । (1) मति ज्ञान (2) श्रुतिज्ञान (3) अवधिज्ञान ।

तीर्थकर ज्यन ब्रोठ छे तिर्थकर सुङ्ग मअजि चोदाह जान रवपन बुछान । धिमत हुंदि नाव शिकैअनि छि । 1. हाथी (होस्त) 2. वृषभ (दांद) 3. शेर (सुह) 4. लक्ष्मी (लक्ष्मी) 5. माला (माल) 6. चन्द्रमा (चन्द्रम) 7. सूर्य (सिरिय) 8. ध्वजा (झोड़ि) 9. कलश (नोट) 10. पद्मनसरोवर (पम्पोशसर) 11. समुद्र (समन्दर) 12. रत्नराशि (रत्न हुंद खजान) 13. विमान (व्यमान) 14. निर्धूमअग्नि (दह रोरत नार)

तीर्थकराम अरिहंत न हुंदि पंअच कल्याणक छि दीवताहन त्रु मनुष्यन हंदि ज्ञारियि मनावतु यिवान ।

1. व्यवन कल्याणक 2. जन्म कल्याणक 3. दीक्षा कल्याणक 4. केवलज्ञान कल्याणक 5. निर्वाण कल्याणक

तीर्थकर छि गोरस बगअरुय दीक्षा ग्रहण करान पनुनि सूत्य छि केवली ज्ञान प्राप्त कअरिथ यथकुन गुजरेमत्यन तीर्थकर हंज परम्परा जागृत करान । केवलज्ञान प्राप्त करन सूत्य छि सारिनय सवालुन हुद जवाब सूक्ष्मरूप स मंजु दिवान । यिम छि चोन घातक कर्मन हुंद ति नाश कराना ।

1. ज्ञानावरणीय कर्म 2. दर्शनावरणीय कर्म 3. मोहनीय कर्म 4. अन्तरायकर्म

तीर्थकर सुन्द जीव छु जरुर मोक्षस गाछान । तीर्थकरस छि केवल ज्ञान प्राप्त सपदिथ अअठ प्रतिहार्य प्रथाविजि सूत्य सूत्य रोजान ।

1. अशोक कुल (वृक्ष)
2. देवदुन्दुभि (दीवताहन हुंद बाजि)
3. पुष्प वृष्टि (पोशन हुंद वर्षुण)
4. धर्मचक्र (धर्मुक चक्कर)
5. तीन छतार (त्रे छतार)
6. स्वर्ण सिंहासन (सोनसुंद रत्न जअरिथ सिंहासन) रत्न जाटित
7. आभा मण्डल (ओरा) (गाश मंडुल)
8. चामरथारी इन्द्र (चिवर डुलावन या गअजगाट करान इन्द्र) यिम

अअठ प्रत्यहारी छि तीर्थकर भगवानस केवली ज्ञान प्राप्त सपदन प्य..
निर्वाण सवदनस तानि सूत्य-सूत्य रोजानु । यिमनअष्ट प्रतिहार्यन हुंदि
सूत्य सूत्य रोजन, किनि छि तीर्थकरन सृजि धर्म सभायि मंज प्रथकुनि
तरफ सूख तु शांति रोजान ।

केवलज्ञान प्राप्त करन पत् छि तीर्थकरन हजिं धर्म समायि हुंजा
सुन्दर रचना सअरथि देवता मीलिथे करान यथ जैन समवसरण वनान छि
। तीर्थकरन हुंदि निर्वाण पत छि त्युहुंद अग्नि संरक्षा ति देवताहय करान
। तीर्थकरन छि सर्वज्ञ आसान यानि तिमन छु प्रथकुनि चीजन्क ज्ञान
आसान । तिम छि सवाल प्रछन्य जवाब दिवान बेयि सारिन्युय हुंदि कल्याण
खअतरू धर्मोपद दिवान । तिर्थकर छि पान ति तरान त बेयन ति तअरिथ
हयकान । तिर्थकरन छि स्वयंबुद्ध, पुरुषोत्तम, शिव, अरिहंत, केवली तु जिन
ति वनान । तीर्थकरन हुंज संख्या छे निप्रित आसान मगर केवली यिम
गोणव सूत्य छि अरिहंत मानन यिवान यिहुंज संख्या छन निश्चित आसान ।
काजि कि सृष्टि मंज ईच आत्माधि छे तिमिन छे सारिन्युय परमात्मा बननचि
शक्ति आसान, मगर तीर्थकरन छे नामकरम उदय सत्य तीर्थकर बननचि
शक्ति यिवान, अमीकिन यि मानन यिवान कि सअरी तीर्थकर छि अरिहंत
आसान मगर सअरी अरिहंत छिन तीर्थकर बनान ।

नामकरम गोत्र प्रावन खअतरं छे तीर्थकर व पअतिम्यन जन्मन मंज
वुहन (20) स्थानकन हुंज आराधना कअरमुचं आसान, तिमिकिन छे तिमन
तीर्थकर पदवी हुंज प्राप्ति सपदान ।

34 अतिशाय

यिमन वुहन स्थानकन हुंद वर्णन छु यिथकनि :-

1. अरिहंत भक्ति
2. सिद्ध भक्ति
3. गुरु भक्ति
4. प्रवचन भक्ति
5. श्रुतज्ञानस मंज स्थिर रोजनच भक्ति
6. सूत्र बहुश्रुत अर्थ बहुश्रुत बेयि सूत्र त अर्थ दोनवय जाननचि

शक्ति ।

7. अन्दरिम त न्यबरिम तप करन वाल्यन मुनियन हंजु भवित ।
8. हमेशं ज्ञानकि रसिक बनन सूत्य
9. शोध स्वभाव प्रावन सूत्य
10. विनय करन सूत्य
11. शोधभाव सत्य प्रतिक्रमण करन सूत्य
12. मूलग्रोण तु उत्तर गोणन हुंज पालना करनु सूत्य
13. शोध ध्यान करनु सूत्य
14. अंदरिम त न्यबरयूम तप करन सूत्य
15. साधुहन त महात्माहन दान दिन सूत्य
16. आचार्यन, उपाध्यायन, स्थाविर, तपस्वी, ग्लान, रुगी, नवदीक्षित, सहधर्मी, कोल, गण, संघु सेवा भवित सूत्य
17. गुरुजन हंज भवित करनु सूत्य ।
18. नोव ज्ञान परन त सु यदि करन सूत्य
19. बूजिथ ज्ञानच भवित सूय
20. प्रवचन भवित सूत्य
तीर्थकर भगवान छि चोयत्तिह अतिशय तिआसान केहं हिरत जन्मस यिन विजिय आसान त केह छिरव केवल ज्ञान प्राप्त करन पतु यिवान ।
1. तीर्थकर भगवान संदिस शरीरस छिन न वाल बढान न छि कम गछान । यिसंदि वाल छि अकिसय अंदाजस मंज व्यवस्थित रोजान ।
2. तीर्थकर भगवानस संदिस शरीरस छुनु मल सारानय ।
3. तीर्थकर भगवान सुंद आहार त निहार छु खअरिय आसान ।
5. तीर्थकर भगवान संदिस शाह खारनस तु वालनस छे पम्पोशिच हिश सुगन्ध यिवान ।
6. तीर्थकर भगवान यलि ओर योर गछान छि द्विमन छु आकाशस प्यठ धर्म चक्र सूत्य सूत्य पकान रोजाना । यत्यथ तिम ठहरान छि तत्यथ छु धर्म चक्र ति ठहरान ।

7. तीर्थकर अरिहत हंदिस शोरस प्यठ छु त्रिष्ठतर हमेश रोजान ।
इमन छब्रन हुंद झालार छु मोकतुक आसान ।
8. तीर्थकर अरिहंतन छु दोनवय तरफ रतन जारिथ डंड वोल चावर गअजगाह करान रोजान ।
9. तीर्थकर अरिहंत छि सोठवकिस रल्न जरिथ चमकवनिस सिंहासन प्यठ बोजन यिवान ।
10. तीर्थकर अरिहंतन छु ब्रोठ—ब्रोठ झांडयव सृत्य सजअतिथ इन्द्र संज झेडि योस रल्न सत्य छे जारिथ आसान बोजन यिवान ।
11. तीर्थकर अरिहंतन छि यननि खोत बाह गअनिस थअदिस अशोक कुलिस तल तंशरीफ थवान ।
12. तीर्थकर अरिहंतन पतकनि छु सिरिय सुंदि खोत ज्याद गाह त्रावन वोल गाशि मुंडल बोजन यिवान ।
13. तीर्थकर अरिहंतन यपअरि यपअरि पकान छि या पनुनि पम्पोश पाद थवान छि तपअरि तपअरि छि खोड तु खअव पानय पूरव यिवान ।
14. तीर्थकर अरिहंतन यलि पकान छि तु ज़मीनि प्यठ फअले मित कंआडि छि पानय दुबु फेरान ।
15. तीर्थकर अरिहंतन यति रोजान छि तति छु मौसम पानय खोशगवार पकान रोजान ।
16. तीर्थकर अरिहंतन छु चोवापअरि अकिस यूजनस तानि खोशयिवुन ठंड हवा रोजान ।
17. तीर्थकर छे चोवापअरि खुशबुदार पानिकन कतरन हुंज त पम्पोशन हुंद वषुण सपदान ।
18. देवताहन हंदि जरियि छु यि पम्पोश वर्षुन भगवान संघन कोट्यन तानि सपदान ।
19. यपअरि यपअरि तीर्थकर पकान छि तपअरि तपअरि छयन कुनि कुसमचि गन्दगी रोजान ।
20. तपअरि तपअरि छ मनस खोशयिवुन खुशबुदार स्पर्श रोजान ।
21. तीर्थकर भगवानस छे चोवापअरि अकिस यूजनस तानि बिहित

- उपदेश बोजन बअलि मस्त मंज रुजिथ उपदेश बोजान ।
22. तीर्थकर प्रभु छि अर्ध—मागाधी तू प्राकृत भाषादि हुंदि जरियि उपदेश दिवान ।
 23. तीर्थकर अरिहंतन हंज वअणी छि आर्य अनार्य मनुष्य पाअशि वुडवनि जानवरं पनुनि पनुनि बोल्य मज समझान ।
 24. तीर्थकर भगवान संदिस समवसबस मंज छि सारिनुय जीव जन्तुहन यान बअन्यु के वअर भाव मअशिथय गछान । यमि जन्मुकुय न बल्कि पअतिमन जन्मन हुंद वअर छुख मअशिथ गछान या खत्म गछान ।
 25. मित्र भाव छुख युथ वुजनावन यिवान कि सहं त छावज छि अकिसय यारबलस प्यठ त्रेश चवान ।
 26. बेयन धर्मन मानन वअलि ति छि तीर्थकर भगवान संदिस दरबारस मंज प्रअनि हठ या मान्यमुचन कथन त्रावान तू प्रभु संदि भक्त बनान ।
 27. तीर्थकर भगवान सुंदिस दरबारस मंज छनु कांह ब्याख कथ या सवाल जवाब सपदान बल्कि सारिनुय छु प्रथकुनि सवालक जवाब पानय प्रछन बगअरय मेलॉन ।
 28. तीर्थकर भगवान यति विराजमान आसान छि तति छुनु 25 यूजन दूर्यरस तानि कुनि कुसमुक केहं उपद्रव यौ विघ्न रोजान ।
 29. तीर्थकर भगवान यति विराजमान आसान छि तति छुनु कुनि कुसमचि महमारी फअलान ।
 30. तीर्थकर भगवान सुद्र पनुन चक्र नि छुनु कांह उपद्रव फअलावान ।
 31. तीर्थकर भगवान यति विद्यमान आसान छि तति छन न ज्याद बअरिश प्यवान न छु सूखापन रोजान । बल्कि ख्रौशगवार मौखुम छु रोजान ।
 32. तीर्थकर भगवान यति मौजूद छि आसान तति छुन कुनि कुसुम अकाल या दाग रोजान ।
 33. तीर्थकर भगवान यति ठहरान छि तति छनु प्रअनि कांह बेमअरि या वापद्रव रोजान ।

34. तीर्थकर भगवान् यति ठअरान् छि तति छु माहौल चोवापर्य शांत
रोजान् ।

भगवान् ऋषभदेव (अथादपि)

स्याठाह काल प्यठ छु जैन धर्म चोवुहन् 24 तीर्थकरन हंज परम्परा
मानन् ।

1. ऋषभदेव, 2. अजितनाथ, 3. सम्बवनाथ, 4. अभिनन्दन नाथ, 5.
सुमतिनाथ, 6. पदमप्रभु, 7. सुपाश्वनाथ, 8. चन्द्रप्रभु, 9. सुविधिनाथ, 10.
शीतलनाथ, 11. वासुपूज्य, 12. श्रेयासनाथ, 13. विमलनाथ, 14. अनंतनाथ,
15. धर्मनाथ, 16. शांतिनाथ, 17. कुथुनाथ, 18. अरहनाथ, 19. मल्लिनाथ,
20. मुनिसुब्रत नाथ, 21. नमिनाथ, 22. अरिष्टनेमि, 23. पाश्वनाथ, 24.
वर्धमान महावीर

यिमव मंज गोडन्युक तीर्थकर छु भगवान् ऋषभ देव मानन यिवान् ।
संअरी वैदिक ग्रंथ, बौद्धग्रंथ सिवकरवन हुं दअहि ग्रंथ ति छु अथ कथि
मानान् ।

ऋषभ देवन ओस राजा नाभि त महारानी मरु देवी निशि जन्म
हयोतमुत् । ऋषभ देव गोडन्युक तीर्थकर यलि गोडन्युक राज बन्यव तु
तिमव कअर लूकन हुंज मोहतअंजी दूरा । तिमव कोर असि, मसि वेयि
कुसि हुंद मतलब अविष्कार समाजख मंत्र तैयार असि हन्द मतलब छु अस्त्र
शस्त्र मसि हुंद मतलब छु परुन लेखन कृसि हुंद मतलब छ जमीनदारी
यानि फसल तैयार करुन । गोड ओसि लूख कुल्यन हंज छीना झपटी
कअरिथ गुजार कराना । मगर आबअदी अअस बढान तु कुल्य कअत्य ।
वोपदहन ऋषभ देवन द्युत जमीन दअरी करुनुक फसल वोपदावनुक ज्ञान
तु यडहुंद मसल गव ठीक् ।

ऋषभदेव देवस अअसि हथ नोचिव जमति । गोडन्युक नेच्युव
ओसुस भरत । तअमिसुदिंस नावस प्यठ प्यव यथ भारत वर्ष नाव ।

ऋषभदेव न कअडि लूक पआशि हालत मंज तु धर्मुक असली वथ
हअवनक । लूकन ध्युतुन कअम करनुक ज्ञान यमि खत्य कअफी जागृति
आयि लूकन मंज । ऋषभ देवन कोर ज्ञाननु ति कर्स छनाहवंतुक प्रबन्ध

। मर्दन दितिन 72 कस्ब तू जनानन दितिन 64 कसंब ।

भगवान ऋषभदेवस आसु जुकोरि : 1. ब्रह्मी 2. सुन्दरी

ऋषभदेव द्युत पननि क्रोरि ब्रह्मी लिपि हुंद ज्ञान, अज छि तथ
ब्रह्मी लिपि वनाना बेयिस क्रोरि सुन्दरी द्युतन गणितुक ज्ञान यानि हिसाब
किताब थवनुक ज्ञान ।

ऋषभदेवनि दोनवय क्रोरि बनेयि साध्वी त साधु जीवन अपनोवुर ।

श्रेष्ठ देवन कोर वारियाहस कालस राज्य वतु द्युतुन राज्य
नेचिव्यन त पान बन्यव साधु । बो डि त्येचिव भरतन त सारितय लोकुटि
नेचिव बाहुबलियन कोर राज्य बाकय बनेयि सअरि साधु ।

ऋषभदेव असि पननिस दीक्षा कालस मंज प्रथकुनि राजस मंज
विचरन करान रोजान । तिमवं क्रोर अकिस वअरियस तप निराहार । अकि
वअरियि पत ओसुख पारणा करुन मगर तति ओस न शोद्ध ख्यन कुनि
जायि मेलबुन । मगर पअतमि जन्मकि याद किनि बहुबलि सुद पौत्र श्रेयांस
राजन द्युत ऋषभ देवस यानि बहबडिबबस नय शकरुक रस भिक्षायि मंज
दान । तमि किन प्यव अथ खानदानस इक्ष्वाकुं वंश नाव । यि दान द्युत
श्रेयांस राजन वैशाक शुल्का त्रेय दोह (वयहक जून पछ त्रेयि दोह) तवय छि
अथ दोहस अक्षय तृत्या मानान । यमुक महिमा छु जैन परंपरायि मंज दूर
पअठि मनावान यिवान ।

जैन धर्मस मंज छु तीर्थकरन हुंद पूर वर्णन, मगर कैचन तीर्थकरण
हुंद छुन खास केरह मेलान ।

जैन धर्मुक दोयुम तीर्थकर छि भगवान अजित नाथ जी मानन
इवान । मगर त्युहुंद वर्णन छु प्रथ कअसि बुद्ध संदिप्त रूपस मंज इवान ।

शुरअहिमन भगवान शान्तिनाथ शुरअहिम तीर्थकर छि भगवान
शांति नाथ मानन इवान । यिम अअसि पअतिमि जन्म राजा मेघरथ ।
कोतरस पत् ओस शिकअरि लोगभुत तअभिसुदं शिकार करन खअतरु मगर
भगवान शांतिनाथ न द्युत वननि शनि हुंद माज शिकरिस कोतर संदिस
वजनस बराबर तु कोतुरं बचोबुन अमि दयाभाव सत्य बन्यव तिमन तीर्थकर
गोत्र बेधि चक्रवर्ती राज बननुक सबब । कुरुवंशस मंज हस्तिनापुर किस
राजा अश्वसेन त माता महासती अधरामि निधि हयोतुख जन्मन तमि वक्त

अअस राजस मंज मामअरी फअलेमंच मगर रमे गयि पानय शात ।
 यिथ्य कअनि छि कुथु नाथ ति हस्तिनापुरस मंज जागृति तिम ति अअसि
 चक्रवर्ती बेयि तीर्थकर । सुहंद निर्वाण छु सपदमत सम्मेद शिखरस प्यठ ।
 अरदअहिंम तीर्थकर छि अरनाथ मानन यिवाना यमन मुतलख छे यहय
 धारणा कि बुद्धस ब्रौंठ अअसि सथ तीर्थकर जामति त अरनाथ ओस तिमन
 मंज पअतिम तीर्थकर ।

भगवान मल्लिनाथ

भगवान मल्लिनाथ छि कुनवुहयुम तीर्थकर जनान शरीरस मंज मानन
 यिवाना ।

पअतिमिस जन्मस मंज तप त आराधना करन सूत्य हयोत सतन तीवव
 मनुष्य जन्म ।

1. गोडन्युक ओस रक्षाकु वंशुक राजि प्रतिबुद्ध यमि संज राजधानी
 अअस अयोध्या ।
2. दोयुम ओस चन्द्र छाय अंग दीशुक राजु यति संज राजधानी चम्पा
 नगरी अअस ।
3. त्रेयुम जीव ओस शंख काशी राजि यिम संज राजधानी वाराणसी
 अअस ।
4. चूर्यज्ञ जीव ओस रुकिम कुणाल दीशुक राजि यमि संज राजधानी
 श्रावस्ती अअस ।
5. पूर्णिम जीव ओस अदीनशत्रु कुरु दीशुक राजि यमि संज राजधानी
 हस्तिनापुर अअस ।
6. शेयुम जीव ओस जित शत्रु पंचाल दीशुक राजि यमि संज
 राजधानी कापिल्यपुर अअस ।
7. सअतिम जीव ओस महाबल मुनि युस मिथिला राज कुम्भ तु रानी
 प्रभावती निशि स्त्री लिंगस मंज जन्म हयोतमुत । इहंजि माजि
 प्रभावती ति अअसि चोदाह स्वप्र वुछिमित । स्प्रन हुंद फल अअसि
 स्यठाह खीश गअमिति । मल्ली देव रुज बढान शरीर किनि ति त्रु
 सुन्दरतायि किनि ति । ईंच सुन्दरतायि हुंज कथ फअलेयि

सारिनय दीशन मंज । पअतिमि जन्म रयन जीवन सूत्य म्यत्र भाव
आसन किनि आयि शनवयं राजि फौज हयथ मल्ली अअस भगवती
सत्य नेथर करनि । भगवती मल्ली अअस कअफी बुद्धिमती तमि
कोर पननि तेज बुद्धि सत्य तिमन राजन रुकावनच कशिश बेयि
द्युतनख धर्मुक बौध त लअजिने संयमचि वति कुन । पान पननि
प्रजात्य सान लअजि साधना करनि । केवलज्ञान प्रअवधि, तीर्थकर
बअनिथ लअज धर्मप्रचार करनि । स्याठाह कालस धर्मप्रचार
कअरिथ सपुद मल्ली भगवती हुंद निर्वाण ति सम्मेद शिखरस
प्यठ ।

भगवान मुनि सुव्रत स्वामी

भगवान मुनि सुव्रत स्वामी छि बुहिम तीर्थकर मानन यिवान । युहंद
वकत छु श्री राम चन्द्र जी निस वक्तस सत्य मानन यिवान । स्याठाह
कालस धर्मप्रचार कअरिथ सपुद मुनि सुव्रत हुंद निर्वाण ति सम्मेद शिखरस
प्यठ ।

भगवान अरिष्ट नेमी नाथ

भगवान अरिष्ट नेमी नाथ छि जतोबुहिम तीर्थकर मानन यिवान ।
यिम ओस राजा समुद्र विजय त रानी शिवा देवी निश जन्म हयोतमुत
खोरिय पुरस मंज । यि वकत ओस यादव हुंद तरक्की हुंद वकत ।

अरिष्ट नेमि ओसुख राजकुमारी राजल स सत्य नेथर गौडमुत ।
यलि बरात महारानि हंदिस दरवाजस प्यठ वअच त अचानक पेयि
महाराजस नजर तिमन पश्यन त जानवरन प्यठ यिम गंअठिथ अअसिख
यअवितिमत्य । महाराज अरिष्ट नेमियन प्रुछ तति यिम कमि खअतर छि
पअशि त जानवर गंअडिथ थअविमित्य । जवाब म्युलुस बरातियन हंजि
सेवायि खअतर यानि युहुंदय माज यियि बरातियन ख्यावन । अरिष्ट
नेमियन यि बाजिथ नियन बरात वापस त कोरुख वर्षीदान तप त गयि
गिरनार पहाडस प्यठ कोरुख साधु जीवन ग्रहण । इहंजि महार्यनि राजुल
ति कोर पनन्यन ~~झाझूङ्गा~~ सूत्य जीवन ग्रहण । स्याठाह कालस धर्मप्रचार
कअरिथ सपुद महसी भगवती निर्वाण ति गिरनार शिखरस प्यठ ।

भगवान पाश्वनाथ :—

यिम छि ओवुहिम तीर्थकर मानन यिवान । पाश्वनाथ अअसि कअशी हंदिस राजा अश्वसेन त माजि वामा हंदि पुत्र । यिहंदि वकत औस हठयोगुक वकत । तअथि वकतस मंज अअसि उपनिषद लेखन आमुति । इमन उपनिषदन मंज छु पाश्व नाथन्यन उपदेशन हुंद स्याठाह प्रभाव काजि कि उपनिषदन मंज छु ध्यान, आत्मा, मोक्ष वगैरह लीखित । वेद, यज्ञ, हवन, पशुबलि आदि चीजन हुंद छुख मंनाह कोरमुत, बेयि छुख श्रमण परम्परायि हंदि तअरीफ कअरिमित ।

कअशी मंज औस अकि लटि अख हठयोगी हवन करान । पाश्वनाथन प्रछ तआमिस च छुख हवन करान मगर चानि अमि कामि सत्य छि ज जीव दजान तअमि वोननस कति छि जीव दजान त पाश्व नाथन कअड हवनकि लअकारि मंज अख लअकर तु कअरिनस ज टुकर तति द्रायि सर्पन हंज अख जरि । तिम अडंदअदि त पाश्व नाथ पोरनंख नवकार मंत्र त तिमन गअथि सदगति तिम बनेयि धर्मेन्द्र त पहावती देवता हंदिस रूपस मंज । स्याठाह कालस धर्मप्रचार कअरिथं सपुद महती भृती हुंद निर्वाण ति सम्मेद शिखरस प्यठ ।

श्रमण भगवान महावीर

भगवान महावीर छि जैन परम्परायि हंदि ओवुहिम तीर्थकर मानन यिवान । यिमव छु बिहार देश किस क्षत्रिय कुण्ड ग्राम नरेश सिद्धार्थ त रानी त्रिशला, योस वैशाली राजा चेटक संज कूर अअस, निश जन्म हयोतमुत । माजि त्रिशलायि अअसि चोदाह स्वपन्न वुछिमित त राजन औस तिमन स्वपन्न हुंद फल स्वपन्न पाठकन निशि मोलूम कोरमुत, तमिकिनि असस तिम जानान कि भगवान हेयि तिमन निश जन्म ।

चित्र जून पछ त्रुवश दोह हयोत भगवान महावीरन मजि त्रिशलायि निश जन्म । यि खोश खबर यलि राजा सिद्धार्थस आयि बोजनावन त सु गव स्याठाह खोश । तिमव द्युत स्याठाह दान गरीबन, नौकरन त जरूरत मंदन । तिमव त्रावनअवि सअरी कैदी कअदत मंज । सरकअरि कर्ज कोरुन लूकन माफ ।

सअरिसय नगरस करनअवख सफअयी वेयि छकनोवुक खुश्भूदार पोनि चोवापअरि । प्रजायि हुंदिव सारिवय लूकद मनअव खुशी त जेशान । सोरुय नगर आव सजावन पोशव त जवल सृत्य चोपायवरि बनव्यरव डेडि त तोण । यानि क्षत्रिय कुङ्डग्राम सजोवुख महार्यनि हंदि पअठि ।

बहिम दोह करनोवुख भगवानसुंद नामकरण । सअरी मित्र, बन्ध—बान्धव बुलअविख त तिमन कोरुख स्यठाह इज्जत त सत्कार । सारिनय रिश्तदारन त प्रजायि मंज कअर राजा सिद्धार्थन यि घोषणा कि यमि दोह प्यठं यि बालुक माजि हंदिस गर्भस मंज आव तमि दोह प्यठ गअयि राजस त राजपरिवारस मंज प्रथकुनिच तरकी त वृद्धि तमिकिनि थोवुक बालकस नाव वर्द्धमान मगर इन्द्र देवताहन धोव बालकस नाव । काजिकि इन्द्र ओस बालक संज शक्ति जानान कि बालुक छुन वीर बलिक बालक छु महावीर । काजि कि बालकम देन आत्मिक शक्ति कमद श्वोत स्याद ।

भगवान महावीर अअसि शरीरकिनि स्याठाह सुन्दर । तिहज अछि आस पम्पोश हिशि । डयक ओसुख चन्द्रमकि आकारुक गाह त्रावान । नरि आसख जेछि—जेछि त कोमल सोरुय शरीर ओसुख सिरियु संदि पअठि प्रज्ञलान ।

भगवान संदि जीवन ओस तीर्थकर गोत्र कमोवमुत तवय ओस तिमन ज्यन विजि त्रेय कस्मुक ज्ञान । महापुरुषन हंदि लक्षण छि अलगय आसान यिम ज्ञन ज्यन प्यठय छि बोज्जन यिवान । यि सअरी लक्षण अअसि महावीर संदिस वजूदस मंज बोज्जन यिवान, तमीकिनि ओस तिहिंदि दर्शन सत्य आनन्द अनुभव सपदान ।

भगवान महावीर यलि उमरि किनि बढन हेतिन तिमव वुछ प्रथ तरफ ब्राह्मणवाद फअल्योमुत यिम यज्ञ करनस अअसि बढावा दिवान त दीवताहन खोश करन खअंतर अअसि सासबधन पश्यन हंज बलि दिवान । अमि अलाव अअस समाजस मंज ऊंच—नीच, जात—पात, छूत—छातच स्वठाह नाकार प्रथा । अमीय हिसाबलि अअसि शास्त्र केति बनावन आमति । जनान ओस न धर्मचन कुनिन काम्यन मंज शअमिल सपदनुक इरिवयार । दास प्रथा ति अअस ज़ोरन प्यठ । भगवान महावीर यलि अठोवुह वहरि

वअत्य तिहंदि मोल मअजि गयि देव लोकस मंज़ । तमि पत वोन भगवान महावीरन जिठिस भअयिस दीक्षा हयवन कथ । तअमि वुनि गव मअलिस माजि कुमय वकल देवलोक गअमत्यन त वुनि छु त्युहुंद दुःख स्याठह । जरा ठहर अख ज वरी त पत हे दीक्षा ।

पत सपदेय जअ वरी त भगवान वअत्य अठोवुह वहरि त वोनख बेयि जिठिस भअयि दीक्षा हयनच कथ त तमि तिं मअनिनस ।

संसार च नज़रि सूत्य अगर वुछ त ब्रहवरी उमर कर छे मानन यिवान । संसार मंज़ यमि खअतर जर, जोरु, जमीन प्यठ छे पानवअन्य कश्मकश महावीरन रोजान तिमन ब्रनवान चीज़न दिच भगवान महावीरन खुशी सान लथ त द्रायि इमव चीज़व निश न्यबर तभीकिन प्योरव महावीर नावबोयि छुनु युथ आदर्श पुरुष दोयुम कांहति । त्युहुंज जिन्दगी अअस तलवारि धारि प्यठ पकनकि पअठि स्याठाह सख्त तदुङ्कार ।

दीक्षा ग्रहण कअरिथ छु त्युहुंद साधना काल त्युथ थ्रोद रुदमुत कि अकि तरफ ब्रोवुहन तीर्थकरन हंज साधना त दोयम तरफ महावीर संज तप साधना स्यठहय कठोर त सख्त । तिहंदिस तथ जीवनस मंज़ आदि तिमन दीवताहन हंज, मनुष्यन हंज त पश्यन हंद तरफ स्याठा सख्ती योस तिमव पनन्यव अंतःकरणन हंजि कोमलायि, दयादि त मनकि ताकत सत्य सहन कअर ।

दीक्षा रअटिथ भगवान महावीरन क्रोर ज्ञातृखण्ड बनस कुन विहार । तिम अअसि बिल्कुल नंग फंकीर बैनमित मगर फेकिस प्यठ ओसुख इन्द्रसुंद द्युतमुत अख शाल (देवदुष्य) । वति प्यठ म्यूलुख अख ब्रह्ममुन सोम शर्मा युस जनसिद्धार्थ सुन्द म्यत्र ओस । सु आव भगवान महावीरस ब्रोठकुन त वोननस बो छुस सख्त गरीब न छुम ख्यन खअतर अत्र त न छुम ख्यन खअतर नअल्य लागन खअतर कांह पलव । भगवान महावीर न बुज गरीब ब्राह्मण संज कथ त वोननस बो छुस छोरुय भिक्षु ! ब्राह्मणन वुछ महावीर संदिस फेकिस प्यठ थअवमितिस शालस कुन त वोननस प्रभु अगर यछक वुनि ति हयकरव म्य केहं दिय । भगवान समझ ब्राह्मण संज कथ त तिमव कअरि शालस ज हिस्स त द्युतख अखं हिस्स ब्राह्मणस । ब्राह्मणन होव शालुक यि अख टुकर रोफ करन वअलिस तअमि वोनमस अगर

अभ्युक दोयुम टुकर ति म्योलिहिय तु वाठ दिय बनवा यि कीमती शाल
ब्राह्मण गव बेधि महावीरस मंगन खबतर मगर महावीर अअसि बनस कुन
पवनि मस्ती मंज कुनीजअनि पकान, पकान पकान प्यव फेकि प्यठ दोयुम
शाल टुकरू पानय त ब्राह्मणन तुल । दिवनोअख रफिगरस निशि वाठ त
गव महावीर संदिस भअयिस नन्दीवर्द्धनस निशि शॉल हावनि । तअमि
प्रजनोव यि कूमती शाल युस महावीरस इन्द्रन ओस द्युतमुत तअमि हयोत
यि शाल भअयि संज निशअनी मअनिथ त ब्राह्मण स दिचन अख लच्छ सोन
संज मुद्रायि । ब्राह्मण संज गरीबी गथि दूर । अमि वस्त्रदान सूत्य छु
महावीरसंजि करुणायि हंज छायि मेलान ।

महावीर प्रभु संज सहनशक्ति :—

भगवान गायि कूर्मारग्राम, तति गामस न्यवरं एकान्त मंज रुदि
ध्यान दअरिथ खड़ा तिम अअसि ध्यानस मंज यीति मस्त कि न्यबरिम
दुनियाहुक ओसुख न कीहि पता । तमि विजि आव अख ग्वाला पननि दांद
हयथ । तअमिस ओस गअवन दोद कडनि गछन त दांदन कति थविहे ।
तअमि वुछ भगवान महावीर ततिनस खड़ा त वोननस म्यान्यन हुंद
धअविज्व ख्याल, बो यिम गअव चअविध । तअमिस ग्वालस का अअस
खबर कि भगवान महावीर छि पननिस आत्मा हस सूत्य लीन गठामति ।
यलि ग्वाला वापस आव तअमि संदि दांद अअसि दूर चअलिमिति । तअमि
प्रुछ भगवान महावीरस म्यअनि दांद कति छि, भगवान महावीर अअसि
पननिस ध्यानस मंज तिमव बूजय न ग्वाल संज कथ, ग्वालस आव क्रूद्ध कि
जरुर आसन अमि साधुहन म्यअनि दांद खअरिथ थअविमिति । तअमि
अनि दांदन हंदि गुदअमि त दोर्यव भगवान महावीर शलक दिन खअतर ।
तमि वकत हिल्यव इन्द्र सुन्द सिंहासन सुआव मती विजि भगवान महावीरस
निशि त तअमिस दांद वअलिस डोंटुन संख्त दोपनस यमिस च चूरं समझान
छुख यि छु राजा सिद्धार्थ सुंद पुत्र वर्द्धमान । अमि दिच सअरिसय राजस
लथ द्रामुत छु आत्म साधनादि खअतर त अमिस का ओस करुन चान्यन
दांदन ?

दांद वअलि यलि यि कथ इन्द्रस नि बूज त तअमिस वअछ धरधर

लोण भगवान महावीरस मअफी मंगनि ।

स्वालम्बी महावीर प्रभु :— दांद वअल्य सदि व्यवहारुक असर प्यठ देवराज इन्द्र संदिस मनस प्यठ स्यठाह त लोग भगवान महावीरस विनती करानि त दोपनस भगवान ! तोहि छव बाहन वर्यन तपस्या करनि । अथ वक्तस मंज कांह देव, कांह मनुष्य या कांह पशु हयकिव तोहि कअरिथ अमिकिन अगर तोहि म्य हुकुम दियिव त बो रोजहा तोहि सूत्य—सूत्य ताकि तोहि वातिहेव न कुनि कसमुक तकलीफा मगर महावी अअसि पअजि पअठि महावीर, तिमन ओस न कुनि कसमुक डर या खोफ पोरान । त्युहंद ख्याल ओस कांह छुनु कअंसि सोरव, दोख दिथ हयकान, सोख दोख या स्वर्ग—नर्क छु जीवात्मा पानय तैयारं करान पानय भूगान ति । तवय कअर भगवान महावीरन पननि साधना कअसि दीवस, मनुष्यस या पअशि संजि सहायता बगैरय शरु ।

अमि पत द्रायि महावीर कोल्लाग गामस कुन । तति ओस बहुक नावुक अख ब्राह्मण । तअमिस निश निश कोर भगवान महावीरन ग्यव शकर मिलनअविध खिरुक पारण यानि खिरुक अन्न कोरुख । अमि पत द्रायि तिम ब्रोठकुन त वबअति द्रइज्जंत तापस सांदस आश्रमस प्यठ । तअमि कोर भगवानस स्यठाह त मान । वापसी मंज द्युतनस भगवानन ति कअफी प्यार । भगवान ठहरेयि तथ आश्रमस मंज सिरिफ अकिस दोहस त दोयिमि दोह च्योतुकं पकुन । नेरन विजि वोनहक साखिय तापसव यि आश्रम छु तुहुंदय । तोहि यमि विजि यछिव तोहि हयकिव यथ्य आश्रम मंज रुजिथ या वर्षावास ति हयकिव यथ आश्रमस मंज कअरिथ । भगवानन बूज यिकमन तापसन हुंद सोरुय मगर जवाब द्युतख न केहं । काजि कि भगवानस संदि खअतर ओस न महल या आश्रम केहं ति मतलब धवान । भगवान महावीर अअसि संसार त संसारिक व्यवहार निश दूर रुजित आत्माकिस आनन्दसमंज रुजिथ असली सोख छांडनुक तलाश करान । अमिपत रुद्य भगवान कअफी वक्तस जंगलन त बियाबानन मंज ध्यान साधना करान । वर्षावास करनि आयि पत बेयि तापसन हंदिस आश्रमस प्यठ । कुलपतियनप कोरनख स्यठाह इज्जत मान बेयि बनावनअवनख अख झोपडी रोजन खअतर । तअथि झोपडी मंज रुद्य तिम ध्यान करनस

मंज मरत । मगर तति गायि यि कथ कि तमि वर्य सपदेयन बअरिशय इसलिए वोण्यव न घासय । घास न वोपदन किनि लअणि पअशि बोछि हअति मरनि । तिम आयि जंगलस कुन पनुन खोराक छांडनि । तिमव बुछि तापसव यलि बुछि महावीर संज़ झोंपडी छनि पश्यव क्ष्ययं मगर तिमव वोनहख न कोहिय त तिम गायि आश्रम किस बअडिस तापस दुइज्ज्ञतस निशि वोनहस कि महावीर संज़ झोंपडी करैयि असि स्यठाह मेहनत सत्य तैयार मगर पश्यव छनिस ख्याय । मगर अमि वोननख न कोहिय । यि कथ बूजिथ खोत बअडिस तापसस क्रूध त गव भगवानं महावीरस वननि, “हे कुमार ! पक्षी ति छि पननिस अलिस रअछ करान मगर राज कुमार अअसिथ ति हेचिथ न च्ये पननि झोंपडी हंज रअद्वि कअरिथ । दुष्टन सजा द्युन छे अचनि कअम मगर च छुख न पनुन फर्ज जानानय ।

यिय कथ बोजनअविथ गव कुलपति तापस वापस, । मणर महावीरन द्युतनस न किंहिय जवाब । महावीरन सूच पानस सत्य कि अगर बो झोंपडियन रअछ रोज करान, त महल तावुनुक का मतलब ओस म्या? साधना हयकव कुनि जाथि वि कअरिथ । यति रुजिथ अगर यिमन तापसन म्यानि समाधि व्याधि बनि त म्योन यि जायि त्रअविथ नेरुनय छु जान । यि कथ सूचित समझिथ तुल महावीरन यि कदम कि यि आश्रम छु त्रावुन जान त द्रायि ब्रोंठकुन, बेयि कोरुरव पननिस पानस स्रुत्य वाद कि 1) योस जायिस रोजनस लायख आसि न तति रोजन जाहं । 2) हमेश रोज मौन छोप कअरिथ । 3) हमेश रोज आत्मा किस ध्यानस मंज । 4) अथस प्यठ करान रोज भोजन । बानन हुंद इस्तिमाल करन् जाहं । 5) गृहस्थियन करनु कुनि कउपसमुक खोशामद । यिस प्रतिज्ञायि आस स्यवह सख्त, तमिकनि घेयि महावीरस स्यठाह कवृ भूगानि । लूक अअसि महावीरस स्यठह कवृ दिवान, मगर महावीर अअसि न उफ ति करान ।

शूलपाणि सुंद उपद्रव :—

भगवान महावीरन त्रोव तापसन हुंद आदम त वअति अस्थिक ग्राम । तथ ग्रामस यबर अकिस मंदरस मंज ठअहरन खअतर हयचअयन तमिकिस पुजअरिस आज्ञा । पुजअरि वोननस चानि यति ठहरन सत्य छुनु म्य कोह

तकलीफ मगर यति छु जिन्द रोजने दिवान। सअनिस यथ गामस मंज वरियाह वरी ब्रौंठ अकिस बापअरि सुंद दांद ओस कअफी भार सत्य दब्योमुत सुय गव मअरिथ यथि जायि। वोज छु सुद दांद यक्ष बअनिथ जन्मस आमुत सुय छु यति कान लूकन सतावान। मगर सु छु इन्सानन तीच नफरत करान कि युसुय इन्सान यति छु रोजाना सु छु खुबहन तानि मूदमुत आसान। तोहि छिव नाजुक बेयि छिव जान घरिक लगान, अगर वनिव त गामस मंज करनावोव तुंहदि रोजनुक प्रबंध। मगर भगवान महावीरस ओस शूलपाणि पांपव निश आजाद करुण तअमि संदि तकलीफ पानस प्यठ हयथ बरदश्त करन सत्य, तमिलीनि गव न महावीर गामस मंज केह बल्कि बीठि मंदरस मंजय साधना करनि। इन्द्र शर्मा पुजअरि गव घर गामस मंज।

रात गयि शर्ल, जंगलस मंज ओस चोवापअर्य सुनसान, दूर-दूर तानि ओस न कांह इन्सान कुति बोजन यिवान। कुहुन दह ओस मंदरस चोपअर्य बलन यिवॉन। शुर्मा दह घन्यव, तथ घअनिस दहस मंज आयि यक्ष संज शकल बोजन। यक्ष संज शंकल अअस बिजली हंदि पअठिं चमकान। यंक्षस ओस अथस मंज बोड खतरनाक शूल। यक्ष ओस पूर पअअदि महाकाल बोजन यिवान। यक्ष आव महावीरस ब्रौंठकुन लोगुस बजि आवाजि मंज धमकी दिनि। “हतो ! मरुन यछन वाल्या ! च्ये बजथ ना गाम वाल्यन हंज कुहय कथ ?पंत ब्युठस ठाठा कसन असनि, बेयि वोननस च्य द्युय न म्यनि शकित हुद कीहय पता।

पतु दिचनस यक्षन बेयि धमकी, “च छुख सोंदर बेयि छुख सुकुमार। अनिगरि मंज छु चोन शरीर बिजली हंदि पअअठि चमकान, च आखा योर मरन खअताहू ठीक छु केह काल प्यठ छुन म्य इन्सान मांज म्यूलमुतय अज गछ बो तृप्त च्ये ख्यथ। यि बनान लोग यक्ष जोर-जोर क्रक दिनि। मगर भगवान महावीर रुद्य पननिस ध्यानस मंज खड़ा। यक्ष गव हैरान कि लूक छि म्यनि अकि क्रकि सत्य दूर चलान मगर यि कुस छू अमि म्यचि हुंद बन्योमुत युस न म्य खोचान छु। पत लगअव यक्षन पननि पूर शक्ति बनोवुन पनुन पान भयंकर होस तलोग पनन्यव दंदव त मोय्यव खोरव सूत्य भगवान महावीरस कष्ट दिनि। पत बनोवुन पनुन पान भयंकर होस त लोग पन्यव

दंदवत् मोम्यव खोरव सुत्य भगवान महावीरस कष्ट दिनि । पत बनोवुन पनुन रूप पेशास सुन् त नमव तु दंदव स्रत्य दितिन भगवान महावीर संदिस शरीरस जखम । मगर भगवान गव न टस से मस तिम रुद्य पननिस ध्यानस मंज मस्त । पत बनोव तमि यक्षण सर्प सुद्र रूप त भगवानस दिचन टोफ मगर महावीरस रांज ध्यान समअधी फुट न । अमि पत दिच तअमि यक्षन पननि शकिंत स्रत्य भगवानस प्रथकुनि अंगस टोप प्रथकुनि अंगस हेतिनस चअपि मगर भगवानन महावीर । यक्षन दिति सअरिसय इअच भगवानस कसम कसमकि कष्ट मगर भगवानस कोरुस सोरुय कष्ट बरदाश्त । यिथ कअनि कअरिथ गव यक्षस सुंद अहंकार चूर-चूर टी ब्यूठ भगवान महावीरस क्षमा मंगनि । भगवान संजन अछ्यन मंज ओस करुणायि हुंद ओश त द्युतुन यक्षस उपदेश यक्षस खुलेयी अंदरिमि अछि सु बन्यव भगवान सुन्द भक्त ।

अमी पत गव भगवान महावीर अस्थिक ग्राम व्यठ वाचाल गामस कुन मगर अथ मंज कुनि सम्मयस ठहरेयि तिम मोराक पड़ाव किस अकिस बागस मंज । तमि जायि हंदि लूख गयि भगवान संदि तपस्वी जीवन सत्य स्याठाह मुतासिर तिम लूख हेतिन महावीरस निश यिनि प्रणाम करन खअतर । दोह—रात हयोतुन लूकन हूंद मेल लगुन तति । भगवान संदि दर्शन मात्र सत्य ह्यचन तिहंज कामनायि पूर सपदनि । तवय हतिन लूख दूरि दूरि प्यठ ति यिनि । अति आस ब्रोठ अख अच्छन्दक जाति हूंद ज्योतिष रोजान । खु ओस ज्योतिष वि द्यायि हंदि जरियि पनुन परिवार पालान । लूकन यलि भगवान संदि दर्शन सूत्यी यचन मनचि कामनायि स्यद्ध सपदनि त ज्योतिष लोग महावीरस सत्य वअर करनि । तअमि हयति भगवानस मंत्र—तंत्र करनि । भगवान महावीरस प्व न मंत्र तब्बुक किहिय प्रभाव त सु ज्योतिष आव भगवानस निशि जाट—पार करनि । तमि वोन भगवानस तुहुंद व्यकितत्व छु अलगय केंचा । तुहंदि यति ठहरन सत्य गयि म्यअनि ज्योतिष विद्या समाप्रय छुन कमाउनुक बेयि कीहि साधन, म्याअनि शुर्य बअचमरन फाकय । अगर तोहि बेयि कुनि जायि ठहरिव त म्यअनि ज्योतिष विद्या चलिहे बेयि । ज्योतिष संज विनती बूजिथ द्वायि महावीर वाचाल कुन । वाचाल गामस अअसि ज हिस्स (1) उत्तर वाचाल (2) दक्षिण

वाचाल। दोनवनि हिरस्सन मंज आस ज नदी बहान (1) सुवर्पबालुला त रुथ्य बालुका। दक्षिण वाचल प्यठ उत्तर वाचालस कुन गछन खअतार आस ज यत। अख वथ अअस कगरवल आश्रम तरफ त दोयम अअस नेवरि किनि। नेबरिम वथ अअस उबड़-खाबड़ मगर अअस आपदायव बगअर महावीर अअस ब्रौंठकुन पकान तं वति मिलिरत वाल-बालक तिमव वुछ यि भिक्षु छु तमि वति पकान योस वथ बड़ भयानक छे। तिमव वुछ यि भिक्षु छु खतरनाक सोर्प चंडकौशिक संदिस अअलिस लुन पकान। यि सोर्प ओस हमेश ज्ञाडीयन मंज चूरि रोजान। ग्याल बालक सूच यिन सोर्प भिक्षुकरा बुछि तिमव कअर भिक्षुकस प्रार्थना कि यि वथ छे संकख सूत्य बअरिथ। अथ मंज छु अख जहरील सोर्प रोजान यमि संजि अकि नजरि सत्य छि इन्सान भरस सपदान। अमिकिन छि यि सहल वथ सुनसान। तोहि निरीव न्यबरिमि वति ती रोजि जान।

भगवान ओस जगतुक कल्याण करन वोल। तिगव बूज न ग्याल बालन हुंद सलाह केंट ति बल्लि सोर्प सुन्द कल्याण करनि द्रायि तमि वति। तिम पअकि ब्रौंठकुन त सोर्प संदिस अअलिस नजदीक अकिस देवालय (मंदरस) मंज रुदि ध्यान करनि। तमिस जहरील सोर्प संदि लिनि ओस रगेरुय हरा भरा जगुल दोदमुत। चोवापअर्थ अअसि अडिजन हंदि क्रांण बोजन यिवान। भगवान महावीर अअसि गौन दअरिथ निर्मय पअठि पननिस ध्यानस मंज।

भगवान अअसि आत्म ध्यानस मंज लीन कि जहरील सोर्प आव सअरिसय जंगलुक चक्कर कअरिथ। यलि तमि वुछ अरव इन्सान जंगलस मंज वोदनि तअमिस गयि बड़ हैरअनी। तमि सूच “म्यानि खौफ सूत्य छुन यपअरि वरियाह काल प्यठ कंहय पकान। मगर अगिस इन्सान सुंज का छे हिम्मत? युस योर आव म्यअनिस अअलिस प्यठ छु ध्यान करान। सोर्पन त्रअव महावीरस कुन जहर बअरिथ नजर मगर भगवान महावीरस प्यट प्यठ न कांह असर। सर्प त्रअव महावीरस कुन दोयम त्रेयिन जहरील नजर हुंद कींहिय प्रभाव। सोर्पस खोत क्रूध, तअमि दिच महावीर संदिस खोरस टोक। सोर्प गव हअरान यि वुछिय कि टोक दिनस प्यठ दाव भगवान संदि खोर मंज खून बदल दोध।

प्रभु महावीर असे शांत भावस मंज अचल खड़ा। यि वुछिथ गव चंडकौशिक सोर्प हअरान। तअमि दिच दोयिमि त्रयिमि लटि बेयि महावीरस टोपु मगर महावीर रुद्धा अचल खड़ा, सोर्पन होर भगवानस निशि। तअमि सूंच यि छुन कांह साधारण मनुष्य। सु लोग भगवानस कुन मुदअयि गाउथ वुछिनि। तअमि सुंद सोरुय पान ओस आलि मंज न्याबर। तमि वुछ भगवान संजन अचन मंज ओस करुणायि हुंद औश यि वुछिथ गव तअमि सोर्प सुंद जहर शांत।

भगवान महावीरन कअर बाहन वर्यन सख्त तपस्या तिन्हंज तपस्या अस न दुनियायी चीज प्रावन खअतर। तिम असे राज पोत्र, तिमन कमि चीज अस जरुरत तिहंज तपस्या अस सिरिफ पननि आत्मा प्रजनाव नचि त आत्मा परमात्मा बनावनच यात्रा। यिछि थंजि साध नायि खअतर द्युत तिमन दिवताहव, मनुष्यव, पश्यव त केंम्यव क्रीलव तानि शरीरुक सख्त तकलीफ मगर तिहंज आत्मा अस तीछ शुद्ध त बलवान तिम व्यसरेयि न कुनि तकलीफ स्सन न कोरुख कंअसि स्रत्य कुनिकुसमुक मुकबलय दुश्मन बनिथ प्यठ करुणा भाव। युसुय तकलीफ ओसुख वातनावान तअमि संदि खअतर ओसुख अछ्यत मंज ओश वसान। अमि स्रत्य छ मोलूम सपदान कि भगवान महावीर संज आत्मा कअचा निर्मल त थअज अस।

संगम देव संदि तरफ कष्ट

स्वर्गस मंज लअजि इंद्राराज संज सभा। इंद्राज ओस महावीर संजि कठोर तपस्यायि स्रत्य स्यठाह प्रभावित गोमुत। तअमि कअरि भगवान महावीर संजी कठोर तपस्यायि हंदि स्याठह तअरीफ। तअमि वोन सरिनय दीवताहन कि भगवान महावीरसंदिस घ्यानसं त धेर्यस घ्यकिन कुहि बराबरी कअरिथ। मनुष्य का दिवताहन ति छयन तीच शक्ति कि तिम हयकन भगवान महावीरस घ्यान या साधनायि निश उअलिथ। अथ सभायि मंज ओस अरव संगम नावुक दीवता ति बिहिथ। तअमिस गओ न इंद्राज संदि मोख स्रत्य कअरिमित्य महावीर संदि तअरीफ वर्दाशत। सु लोग सोंचनि कि इन्द्र छु महावीर संदि तअरीफ करन स्रत्य दिवताहन हुंद

अपमान करान। मनुष्य अअसितन कोताह थ्रोद ज्ञानस ध्यानस मंज तूति हयकि न दिवताहन स्मृत्या बराबरी कअरिथ। ब्रो गछ वुनि धरती प्यठ तु वर्दधमान महावीर गिरावन ध्यान प्यठ त इंद्राज बनावन अपज्योर। यि प्रतिज्ञा कअरिथ वोथ सु स्वर्ग प्यठ धरती प्यठ त वोत पोलास चैत्य त लोग भगवान महावीरस ध्यान निश डालन खअतर वारियाह कसमाकि कष्ट दिनि। तअमि दित्य अकिसय रअच मंज भगवानस वुहि कसमकि कष्ट यिमजन दिल हिलावन वअल्य अअसि। संगम दिवताहन दित्यं महावीरस यिथ्य खतरनाख कष्ट यिम जन सिरिफ महावीरन हयकि बर्दाश्त कअरिथ। संगम संदि जरियि यिमव सख्त तकलीफ कोर भगवनस पअतिम्यव कर्मन खत्म करनति कअम। भगवन रुद्य सुमेरु पहाडकि पअठि अचल।

अगर संगम वैवताहन भगवनस तिथ्य गन्द त सख्त दोख वतनाव त्रुकि तकलीफ दित्य मगर भगवन रुद्य बराबर पननिस ध्यानस मंज मस्त'। तिमन प्येया न कीहिय फर्क। शायद अअसि तिम तकलीफ तिंहिजि साधनायि हंज कसौटी, प्रभु महावीर अअसि राज क्रोमार, त्युहुंद पान ओस स्यठाह कोमल। त्युहुंद रुपति ओस सॉदर मगर त्युहुंद आत्मा ओस स्यठाह ताकतवर। तिम अअसि न कुनीय खोचान। शायद कअरि तिमव संगम संदि दित्यमति सख्त तकलीफ तवय बेखौफ पअठि बर्दाश्त। संगमन द्युत न तिमन आहार ति करन। योतुय भगवान अअसि गछान भिक्षा करनि तति ओस असं संगमन केंह नत केंद त्युथ कोरुमुत कि भगवान अअसि न तति अहार हयकान कअरिथ। संगम ओस पननि किनि भगवानस बोछि स्मृत्य ध्यान, साधनायि निशि बोन वालुन यछान मगर भगवानस ओस न बोछि हुंद ति कीहिय असर प्यवान।

भगवान संजि ईचि सहनशीलतायि द्युत हअविथ कि मनुष्य जन्म कोताह छु थ्रोद। यि जन्म मेलुन छु स्यठाह दुर्लभा सारिवय योनियव मंज छे मनुष्य यूनी स्यठाह थअज। अथ यूनी मंज हयकि मनुष्य दीवता बअनिथ या मोक्ष प्रअविथ। मनुष्य जन्मस मंजय छु हयकान मनुष्यं जान कर्म कअरिथ धर्म अपनअसिथ बाकय छुनु कुनि जन्मस मंज धर्म यिवान करन।

यलि संगमन वुछ कि भगवान पाठय ना पाठय कुनि तकलीफुक कुहय असर। तअमि वुछ पनननि अवधि ज्ञान स्मृत्य कि बल्कि तिमव कष्टत

सूत्य बडयत भगवान सुंद मनोबल ज्याद त तमिस गाव स्यठाह पश्चाताप नेयि मअनिन इन्द्राज संज कथ पअज बोनुन महावीरस कि इन्द्राज संज कथ द्रायि पअज। पत लोग भगवानस क्षमायाचना करानि। भगवानन द्युतुस जवाब, "संगम बो छुस न कंअसि हैंजि प्रेरनायि सूत्य ताप करान"। म्यु छुन कुनि कसमुक अश्वासन दिनुक केह जरूरत।

ग्वाला संदि जारियि कष्ट

अकि लटि अअसि महावीर छमणि गामस न्यबर ध्यानस मज खड़ा। तमि वक्त ओस अरव ग्वाला पननि दांद ह्यथ फेरान। तअमि वुच अरव भिक्षु छु जंगलस मंज खड़ा, इ थवि म्यान्यन दंदन हुंद ख्याल। तअमिस अअस घरिच केह कअम तमि थअवि दांद प्रभु महावीरस निशि त पान गव नगरस मंज पननि कअम करानि। दांदव यलि न पनुन मअलिख वुछिय तिम चअलि जंगलस कुन। घास ख्यावान ख्यावान द्रायि जंगलस मंज बेयि ब्रोठकुन त बीठि झाडियन मंज। दांदवोल यलि नगर प्यठ वापस आव त प्रुछुन महावीरस म्यअनि दांद कति छि। भगवान अअसि पननिस ध्यानस मंज मग्र तिमव द्युतहस न कींहिय जवाब।

बार-बार प्रछनस प्यठ यलि न भगवान जवाब द्युतुस तु तअमिस दांद वअलिस खोत सख्त शारारत दीपनस अरव चोरी बेयि सीना जोरी। ठहर वुन्य हावय अभ्युक मंज। भगवान अअसि ध्यानस ज किलि तु दुकिन भगवान संद्यन दोन कनन मंज। कनव मंज द्रायि खून धार मगर भगवान अअसि पननिस ध्यानस मंज मग्र। तिम काह जवाब दिहनस। दांदवअल्य अअनि जु किलि तु दुकिन भगवान संद्यन डॉन कनन मंज। कनव मंज द्रायि खून धार मगर भगवान अअसि पननिस ध्यानस मंज मग्र।

केवलज्ञान

यिथ पअठि साढन बाहन वर्यन सख्त तपस्या कअरिथ वंअच भगवान संज तपस्या सिद्धि हंदिस दरवाजस प्यठ। साधना करान करान वअति भगवान जभिय गावस न्यबर त्रृजुबालिका दरियाव किस बअठिस प्यठ शाल कुलिस तल बीठय गाव चावनकिस आसनस मंज ध्यान मग्र, तमि विजि सपद्योव तिमन परिपूर्ण केवल ज्ञान।

शास्त्र जानन वअल्य छि वनान कि केवलज्ञान प्रअविध बनेयि भगवान महावीर अर्हत, जिन, केवल ज्ञानी, सर्वज्ञ, तृ सर्वदर्शी। भगवान लअगि देवन, मनुष्यन, असरन अलाव संसारवचन सारिनय चीजन पूर पअठि खुलेयि त्रिकाल दृष्टि। तिमन रुदन तमिपत कींहिय ति खअटिथ। तिम बनेयि जैन परम्परायि हंदि चोबुहिम तीर्थकर। तिम लअगि पत सारिनय लूकन उपदेश दिनि। भगवान उपदेश तिमव फरमोव कि मनुष्य मलुन संभव। बाक्य देव, दानव, तिर्यच यूनीपछे कर्मफल भूगनाचि यूनीय। भगवान महावीर छीन केवल वीतरागीय योत तिम छि तिर्थकर ति यानि तिम छीन अअछि बन्द कअरिथ ज्ञान ध्यानस मंज योत तिमन छु न्यबरिमन सारिनय हालतन हुंद ति पूर पअठि ज्ञान। अन्दर मनस मंज अअसि तिम परम वीतरागी। संसारिक सोख दोख ओस न तिमन केह व्याकुल करान। तिमव कोर्मुत ओस गोड केह प्रावनुक प्रयत्न, पत दिनुक। प्रोविथ्य हयकि कांह केह दिथ। छोरुय चंद का हयकि दिथ।


अन्तर मनस मंज अअसि भगवान निर्लेप नारायण। कंअसि सूत्य न कींहिय ध्योन न द्युन। मगर न्यबरिकिनि अअसि कर्मवान रूपस मंज विश्व मंगल आसनचि तदबीर सोचान त करान।

महावीर संदि इन ब्रौंठ ओस सीन राष्ट्र अनिगआटिस मंज रोवमुत। लूक अअसि दिवी दोवताहन हंज दयादृष्टि प्रावन खअतर बेजबान पश्यन हंज बलि दिवान धर्मकिस नावस प्यठ अअसि शरीरन पिङ। दिनचिन काम्यन वाह वाह करन यिवान। न ख्येनि लायक चीज अअसि ख्यवान। मनुष्य ओस न मनुष्य प्रक्रच मंज महावीरस सुंद पजि धर्मुक शरुआत करून छु पअजि पअठि अरव बअड हअरानी। तिमव खोजि सरिनय मनुष्यन हंज अअछि त बुरअरिय प्यठ लअगिन भलअयि कुन। जअनी त नकारागी हुंद मतलब तोरनख फिकिरि, तिमन खुलेयि अछि। सारिनय जानदारन मंज छु भगवान, अमि भावनायि सत्य बन्यव मनुष्य, मनुष्य पअजिपअठि।

समाजस मन ति छे महावीर संज कअम थअज यिवान मनन। समाज मंज अअस ऊंच-नीच भावना सख्त पनमेच तमिविजि। मगर महावीरन अनि जागृति तिमन लूकन मंज यिम जन पतित अअसि मानन यिवान। शूद्र हंजि छायि सत्यी ओस ब्राह्मण छयटान, अमि कसमच भावना

कअरन समाजस मंज खत्म । जनान अअस या काम वासना पूर करनच चीज मानन यिवान या अरव दअसी मानन यिवान । थोस जं पश्यन हंदि पअठय बाजरस मंज अअस कनन तियिवान त मअलि ति हयन यिवान बूल्य दिथ । यूतुय योत ओस न, अगर तिमन दासन दअसियन मअलिक संदि अथ मार प्यन स्रत्य मौत ओस यिवान, तमि खअतर अअसन कुनि जायि ति केह । सुन वअयी । तिमन दासन त दअसियन अथ अअसि न भिक्षु ति भिक्षा रटान, तिम अअसि । धर्मप्रचार कअरिथ सपद महावीर भगवान ति पावापुरी नगरी निर्वाण प्यठ ।

समोसरण



मेरे परम श्रद्धेय, जीवन निर्माता,
विश्वकर्मसरी, जगद्वल्लभ, जैनाचार्य
आदीश्वरवाम के संस्थापक

परम पूज्य

आचार्य श्री विमल मुनि जी म.

के की-कमलों में समर्पित
विनय भाव से
यह कृति समर्पित

